

房縣志

三

房縣志卷五

秩官傳

傳者傳也所以傳其事以傳其人也蓋必其事與人實有可傳而後傳之房幅員千里阻塞萬山又寇盜屢經流亡相繼藉非幹濟之才詎易靖烽煙而登化理哉故時際承平與民休養則德惠可傳也或不幸遭逢盤錯而爲國驅除殘賊功烈尤可傳也然上下數千百年能與此者幾人哉志秩官

漢

房縣志

卷五 秩官

一

蒯祺建安二十四年祺爲房陵太守先主命孟達從秭歸攻房陵執祺殺之

晉

吉挹字祖冲蓮芍人少有志節孝武帝初苻堅陷梁益桓豁表挹爲魏興太守以功拜員外郎散騎常侍苻堅將韋鍾攻魏興挹遣衆拒之鍾趨襄陽挹又邀擊之鍾怒回軍圍之賊衆繼至挹力不能抗城陷爲賊所執閉口不食而死秦苻堅嘆曰周孟威不屈於前丁彥遠潔己於後吉祖冲閉口而死何晉氏之多忠臣也祖朗西臺

傾覆隕身守節挹可謂世篤忠貞矣桓冲上言帝嘉之
追贈益州刺史

桓冲字幼子譙國人最淹識有武幹領南蠻校尉荊州刺
史符堅遣將韋鍾寇魏興冲遣軍伐符堅拔堅筑陽攻
武當又遣郭寶伐堅魏興太守褚垣上庸太守段方俱
降新城太守麴常遁走三郡皆平

宋

傅宏之字仲度涇陽人少倜儻有大志護國將軍劉道觀
以爲參軍寧遠將軍魏興太守盧循作亂桓石綏自號
荊州刺史徵陽令王天恩自號梁州刺史襲西城時韶
爲梁州遣宏之討石綏等並斬之高祖兆伐宏之與沈
田等七軍自武關入僞上洛太守脫奔走招懷戎晉羗
人高橫等各率部落歸化

齊梁

柳慶遠字文和河東解人齊初爲魏興太守郡遭暴水吏
請徙民圮城慶遠曰河漲不過三日命築土而已卒如
其言

李遷哲安康人少脩立有識度慷慨善謀畫起家文德主

帥轉直閣將軍武賁中郎將及其父元直爲衡州留遷
哲本鄉監統部曲事年二十撫馭羣下甚得其情大同
二年除安康郡守三年加超武將軍太清二年移鎮魏
興郡都督魏興上庸等八郡諸軍事襲封沌陽侯邑千
五百戶

西魏

柳檜字季華性剛簡任氣少文善騎射果於斷決大統中
從大將軍王雄討上津魏興平之卽除魏興華陽二郡
安康人黃衆寶反殉節東梁州

房縣志

卷五

秩官傳

三

周

李禮成狄道人也深沉有行檢不妄通賓客善騎射而從
容儒服不失素望歷拜遷州刺史時朝廷有所徵發禮
以蠻夷不可擾擾必爲亂上表固諫武帝從之歷襄州
總管有惠政

隋

獨孤陀字黎邪趙國公信子隋獻皇后弟也文帝時拜上
開府領左右將軍轉遷州刺史先是陀好左道有婢阿
尼事猫鬼能使殺人會后與楊素妻俱臥病醫者曰猫

鬼疾也上意阬所爲令高頴等雜案之得實詔夫婦皆賜死后請曰阬若蠹政害民妾不敢言今爲妾身敢爲請命於是阬得免

竇賢字託賢扶風人毅子也志業通敏少知名開皇中除遷州刺史

唐

張知謩字匪躬幽州人徙家岐中宗在房州禁察苛嚴知謩與董鉉質崔敬嗣繼爲刺史供億保戴不少弛帝復位拜知謩左衛將軍封范陽郡公知謩兄弟五人知元知晦知泰知默皆明經高第曉吏治清介有守公卿爭爲引重

房縣志

卷五

秩官傳

四

韋景駿唐書傳司農少卿宏機孫中明經神龍中歷肥鄉令後數年爲趙州長史道出肥鄉民喜爭奉酒食迎犒有小兒亦在中景駿曰方兒曹未生而吾去邑非有舊恩何故來對曰耆老爲我言學廬館舍橋鄣皆公所治意公爲古人今幸親見所以來景駿留終日後遷房州刺史州窮險有夷風無學校好淫祀景駿爲諸生貢舉通隘道作傅舍罷房祀無名者景駿之治民求所以便

之類如此今祀名宦

摘錄李白贈帝子軍師擁羆虎

人心失去就賊勢騰風雨
唯君固房陵誠節冠終古

崔述房州刺史推情謹身以裕勞人惻隱所被四封甯靖
鄰士美字和夫金鄉人幼通經史與人交重然諾未冠爲
房州刺史仕至刑部尙書左僕射

董鉉質刺房州謹身化民保戴中宗其供億無不周至
崔敬嗣爲房州刺史中宗在房州官吏多無禮嗣特申禮
進供給豐瞻中宗德之及登位有益州長史崔敬嗣既
同名姓每進擬官皆御筆超拜之者數四後引與語知
房縣志

卷五

秩官傳

五

誤訪敬嗣已卒遣安石授其子注官後官至顯達其孫

卽光遠也

談賓錄

五代

劉詞字好謙大名元城人也少事楊師厚以勇悍知名唐
廢帝時進都虞侯以功遷泌州團練使徙房州歲餘爲
政不苛撓人頗便之暇日常披甲枕戈而臥謂人曰我
以此取富貴豈可一日忘且人情易習若一隋其筋力
有事何以報國

周知裕字好問幽州人也仕後梁降唐莊宗寵待之諸將

嫉其寵因獵射之知裕走以免莊宗爲殺射者以知裕爲房州刺史所居皆有善政

宋

辛文悅房州知州初以五經教授太祖及登位授太子中允判太府事開寶三年周鄭王出居房州上以文悅長者故命焉後累遷至員外郎

种師中字交孺歷房州觀察使金人入寇詔提秦鳳兵入援未至而敵退乃以二萬人守滑

田欽祚穎州汝陰人太宗時從征太原護前鋒騎兵屯石

房縣志

卷五

秩官

六

嶺關以扞契丹欽祚性剛戾負氣多所忤犯與主帥郭進不協進戰功高屢爲欽祚所陵心不能甘遂自縊死欽祚以暴卒聞太宗悼惜久之因罷欽祚內職出爲房州團練使

孫升字君孚高郵人爲侍御史時翰林承旨鄧溫伯爲臺臣所攻升論之尤力謂草蔡確制稱其定策功比漢周勃欺天負國豈宜親承密命不報紹聖初張商英劾之削職知房州

李璆字西美汴人政和間進士知房州時旣權官茶復強

民輸舊額貧無所出被繫者數百人璆至卽日盡釋之
後遷四川安撫制置使脩復三江堰眉人繪像祀於堰
所

陳希亮字公弼青城縣人爲徐州推官會外戚沈元吉以
奸盜殺人希亮一問得實沈驚仆死其家訴之朝詔御
史勘希亮又及諸椽吏希亮曰殺此賊者獨我耳遂引
罪坐廢期年盜起京西殺守令富弼薦希亮可用起知
房州州素無兵備民凜凜欲去希亮以牢城卒雜山洞
戶得數百人日夜部勒聲振山南民恃以安殿侍雷甲

以兵百餘人逐盜竹山甲不能戢所至爲暴或疑爲盜
告希亮盜入境且及門希亮卽勒兵阻水拒之命持滿
無得發士皆植木立爲偶人甲射之不動乃下馬拜請
死曰初不知公官軍也吏士皆欲斬甲以殉希亮獨治
爲暴者十餘人使甲以捕盜自贖時劇賊黨軍子遂執
竹山賊所嘗舍者曰向氏殺父子三人梟首南陽市曰
此黨軍子也希亮察其寃下德斌獄未服黨軍子獲於
商州詔賜向氏帛復其家流德斌通州或言華州人張
元走夏州爲元昊謀臣詔徙某家希亮曰元事虛實不

可知使誠有之爲國者終不顧家徒堅其爲賊耳此又其疏屬無罪乃密以聞詔釋之老幼哭希亮庭下曰今當還故鄉然奈何去父母乎遂畫希亮像祠祀焉

王彥字子才上黨人南渡後爲金均房安撫使知金州紹興三年金人入金均彥趨西鄉遣兵至漢陰縣大敗之復金州進保康軍承宣使不受時中原盜起加以饑饉無所資食唯蜀富饒巨盜往往窺覬桑仲乘勢西向均房失守直擣金州白土關衆號三十萬仲彥舊部曲也以申牘請於彥曰仲於公無敢犯願假道入蜀就食耳

房縣志

卷五

秩官

八

彥叱曰樞相張公方有事關陝若仲越金而至梁洋則腹背受敵大事去矣卽勒兵趨長沙坪據山設伏以待大敗之復房州後仲爲其下所殺

晉隲紹興初知房州時值桑仲蹂踐軍士乏糧隲令開墾秋大穫給工匠廩食令脩軍器農具創州學子弟入學者免徭役

曾光字元明紹興中知房州擒叛卒有功

明

吉岳洪武初知房州揮霍有爲時值草創岳拊循新附經

理有方境內大治祀名宦

張瑀上元人正統中舉人知房縣脩葺城池開設學校士民德之

李璋長壽進士嘉靖四年由鄖西調任與知州吉岳縣丞李南金同祀名宦治蹟失傳

夏維甯餘姚舉人嘉靖間令有能聲撫治考績云秉姿剛毅守己清白任當疲憊之地懋著鴻遠之才擢易州知州

朱衣南錦衣衛舉人由鄖西調房有幹局時清丈田畝親

房縣志

卷五

秩官

九

歷阡陌稽匿辨壤無少欺隱免宅基墓地額亦罔虧爲政多隱德子之蕃廷試第一人以爲積善之報

黃從貴元城舉人崇禎六年令房七年老狃狃等犯房獨守孤城援絕城陷死之

張希良萬歷間任房令邑大饑施粥賑之民皆安堵無劫奪之患

李敦本銅梁舉人萬歷間除房令學問淵雅尤工翰墨政餘課士不倦以忤上官被斥卸事後仍與士子飲酒賦詩不輟

傅永淳靈壽進士天啓間令房嚴明仁恕雅愛文學建社學三令諸生肄業拔其尤者入署親爲講授士多興起房爲建祠子維麟官工部

郝景春江都舉人崇禎年令房脩城濬池與兵民同甘苦獻賊羅汝才等寇房景春子鳴鸞與守備楊道選登陴死守遣使乞援熊文燦不報已獻忠汝才大至攻城諭降景春大罵不屈被執與子鳴鸞主簿朱邦聞訓導李宗來典史某俱被殺僕陳益亦死之事聞贈大僕卿祀名宦子僕從祀

房縣志

卷五

秩官

十

李南金白河監生正德間任房丞性勤敏習吏事公餘讀書有哦松之致祀名宦

嚴堯黻朝邑監生嘉靖間任房縣主簿留心風教凡所興作咸服士心房舊志之脩厥功居多

劉佐塾江人萬厯間爲房教諭負氣剛方不苟同流俗按院吳公稱其才識優長操履方正

蘇九容眉州舉人啓禎間教諭房縣文章經術爲當道推重於諸生尤多所成就

劉志道塾江吏員萬厯間任房尉勤能理務邑令朱衣事

無大小多屬之

國朝

林燦欽福建舉人順治初以鄖尉署房令不虐民一錢不
阿吏胥鄖左營部將王斌據房老寨作亂被害士民痛
之

李承鑛大同進士順治間令房時城爲獻賊燬居縣西羊
角寨賊潛伏山谷中一日夜行三百里襲寨破之被執
不屈死祀名宦

傅六吉臨川舉人康熙初令房時軍需旁午六吉脩城垣

房縣志

卷五

秩官

十一

運糧務撫流亡以暇蒐輯邑乘五年之間日不暇給以
勞瘁卒於房立祠祀之

雷化龍遼東人康熙間除房令楊來嘉叛鎮戍兵雲集遠
近民尙疑畏匿山寨化龍招徠撫之復其業

沈用將浙江仁和貢生康熙間任房令九載爲政務在便
民緩追呼減徭役濬築渠堰山田灌溉得均時軍戶輸
糧襄陽衛往返跋涉令詳請使衛設櫃縣中軍戶就縣
自輸民盡稱便邑貢生李發榮許嘉言等脩輯傳志令
將卸篆猶悉心詳核云

王璋閩潼州舉人康熙中知房縣寬和敏幹無留牘時承平日久公務之暇巡行郊陌勸課農桑訪其疾苦教以禮讓尤加意文風朔書院置學田考校殷勤資給優厚數年間戶聞絃誦聲民間事纖微周知凡閱人皆記其姓名士民親愛之不啻子弟之習於父兄也房人立生祠祝之餘詳雜記

王宏祚無錫附貢康熙末任房令性剛介甫蒞任有謁者令明倫堂見執法人無敢撓咸稱曰王戇子妻賢淑時典史某治賊酷聞之從容謂宏祚曰國有常刑可法外

房縣志

卷五 秩官

十二

肆虐耶宏祚爲飭止

李豫廣東新興拔貢乾隆十三年除房令脩學宮期望邑人士不啻三致意焉執度不回豪民蠹役胥斂跡嘗署門曰勤種地早完糧父老有閒當課子省費錢莫告狀鄉民無事少來城

黃元俊福建進士乾隆二十八年任房令剛方公正人不敢干以私尤注意學校建奎星閣月課季考歷數年如一日

張啟字虎人歷城舉人乾隆年令房工書畫名滿海內房

號忠孝名邦蓋以西有黃香祠東有尹公墓也每辯之
以爲吉甫有文武才而惑於後妻逐殺伯竒父子如此
君臣可知人皆服其特見乾隆四十四年饑流民相聚
行劫嚴法制之杖斃數人餘黨皆散論者以爲非令賢
則房邑不可測也

羅經字問堂南豐進士乾隆四十四年除房令和易有幹
才大憲數令決疑獄升武黃同知署鄖陽府事

常熙字學光盧氏舉人乾隆五十一年任房令質樸簡約
言訥訥似無所短長遇事則捷給簡亮無少滯凡興利

房縣志

卷五

秩官

十三

除害罔弗殫精畢慮無憾而後卽安庚戌卒於任邑人

哭聲遍閭巷

貢生汪魁儒詩數年辛苦起凋殘吾楚清
廉第一官雪夜星天常跋涉布袍蔬飯似

貧寒空留卧竦橫波濶曾見飛蝗抱木
乾鄉老不知公已没呼號猶自繞城端後入名宦祠

仇必達號敏齋四川重慶舉人乾隆五十八年任房令甫
下車訪民疾苦一以慈愛爲心訟無積牘閭閻安輯纂
舊志擬稿已就以調任未竟其事猶諄囑後任云

魏相臣字蓋宣甘肅中衛監生乾隆六十年署房令嘉慶
元年二月荆宜逆賊勾結奸民謀不軌時房營兵外調
城守單賊温見道等糾萬餘人突起圍城晝夜百計繞

洪範含山舉人嘉慶九年令房清廉精明才餘百里刁奸潛踪書役斂跡夏日勸課農桑暇時講解

聖諭六年於斯民歌父母政無宿牘民間纖細必知兵燹十年民棄詩書今年年觀風月月課試文教日振故後士民歛金購料建祠爲當事者寢其事未果

關維紀廣西舉人嘉慶十四年任房脩理衙署積儲倉穀一以愛民爲念不事苛察吏不爲奸四境肅清

何在朝號丹崖四川彰明舉人嘉慶十七年任房令心性淳樸學問淵博邑士鄢正榮劉元和等讀書署內公務

房縣志

卷五

秩官

十五

暇時必親爲指授月月課士悉心批改諸生求解文朝入而暮出十九年歲大饑稟詳上憲出倉穀平糶全活生民甚衆

董應魁山西進士道光初署房令惜士愛民振興文教脩葺文昌宮刊碑記事解任去士民追思不忘

繼善貢生正白旂人嘉慶二十二年又道光年任房二次愛民如子政簡刑清上憲交薦擢均州知州

白榮西河南輝縣進士道光十年署房令廉明有威盜息民安去任士民祖餞道路充塞

劉建勲號樹堂貴州舉人道光十年任房令清廉正直薄以自奉公餘勸導百姓一以存天良守本分爲務朔望至中衢宣講

聖諭開譬百端民風爲之不變去日士民奔送贈詩頌德勲留聯云此地名爲忠孝里願人齊抱聖賢心十一年復房民迓之懸門額曰又見青天勲遜謝願益以自勉屏絕一切規費幾至自奉不繼士民醵金爲助少取之十二三年大饑申請發賑未准傳富戶領倉穀減價平糶民賴以生遷天門縣士民泣送至今口碑載道

房縣志

卷五

秩官

十六

劉其淵旌德舉人道光十六年任房令飭紳士周大年等脩校士館又重脩黃香祠三楹題門額曰黃孝子祠并於尹吉甫墓重新舊碑傳尹姓看守補栽松柏雜樹至今林木青葱碑墓隆聳

施仲鱗號次雨太湖舉人居心渾厚制事精明聽訟嘗以忠愛爲本但得其情不輕用刑

王錫疇號範初山東舉人五品銜道光咸豐年間攝房篆三次節儉愛民尤重節義魏縣母殉嘉慶時之難搜其始末立傳刊石愍烈祠前代名宦鄉賢錄其事勒之石

馬晉圖漢軍清廉方正不恃刑威民皆輸服嘗錯斷一獄
明日復審正之

金玉堂四川舉人五品頂戴咸豐六年令房聞襄匪耗卽
傳紳耆練勇備守其子鵬隨任於十月初偕紳勇赴鄉
堵禦以兵單失利因城崩塌知不可守趨至南山招勇
時常帥追勦賊去遂復城集富民籌畫補築城垣不數
日歲事時有地痞乘釁剽掠者重治之奸民斂跡

鄭慶華號硯香廣西舉人性情樸素舉止安詳咸豐七年
令房四月襄匪由竹山竄北鄉率勇防堵馬嘶山等處

房縣志

卷五

秩官

十七

賊上武當山令慎以奉公勤於課士卸篆時未決之詞
焚香盡燬之

王璐直隸舉人五品花翎咸豐九年署房令精明強幹有
斷才不留獄無情者難以盡具辭聽訟不煩言而是非
立判惜恃才傲物用刑不當

吳瑛湖南附生五品花翎咸豐十年令房勸捐鑿池鑄造
鎗礮守禦器械重脩文武衙署未竣其事去

慶明廂黃旗人同治元年署房令性情溫和舉事謹慎十
月髮逆驟竄房境遊擊田帶兵堵禦兵潰賊約十萬之

衆擁距房城令復與田遊擊在西鄉上達河團勇數百
於東川堡交戰賊距房三日齊竄竹山令以失守公令
革職士民恤之

李楨號介生湖南湘陰附生五品頂戴同治二年任房令
恬靜寡言潔清自持尤嚴以率下賔僚僕從毋敢踰闔
者奸胥滑吏亦無從置喙豪強屏跡四境肅然

戴喻讓字星臯漢陽舉人乾隆十九年教諭苦心蠹沒稱
宿學從遊者衆汪朝相其一也課士之暇搜探古蹟宅
後建四箴亭綴以詩詳古蹟屢赴秋闈不第歸顏其室

房縣志

卷五

秩官

十八

曰佳士軒人問君自命爲佳乎曰非也佳字不成進字

爲欠一走耳

隨園詩話

後任山東知縣著循聲附錄戊寅脩

葺學齋有感詩四首

地卽桃源官卽仙能兼鍾鼎與林泉絕無鞅掌終年靜況有文章當

世傳數仞爲牆親美富一穉之地足歌弦只緣名教已鈞重不敢中途便息肩無邊風月小窻窺手植梧桐

鳳枝自笑冷官如廟祝更人傍綠陰成坐穩不知何局是瞳淚一日工程百首詩更在澹自凝書在門欲破冷從

全碁瓣香深坐說三元春在澹自凝書在門欲破冷從六載未完痴夢說三元春在澹自凝書在門欲破冷從

菜根細落花入夢不到四山如畫鳥聲喧竹吹冷處水瀟湘蝶有精神入夢不到四山如畫鳥聲喧竹吹冷處水

聲狂荒城雁斷更編早孤館人眠夜獨長寄語後來青鬢客校書容易老潘卽

吳昭煜漢陽舉人乾隆二十五年教諭性澹泊勤訓課德

行文章士林師法

吳粵省通城舉人兩任教諭文藝精敏性情豪邁多士請業不計脩脯課優等者捐貲獎勵尤憫惜寒士飲食教誨無日無之其紈袴子弟疎慵考課必加斥責

嚴開經江陵歲貢府訓導署房教諭喜衡文勤教士口授指畫無倦新生來謁不計脩金多寡

戴脩道雲夢舉人嘉慶二十三年教諭與典史高守訓捐廉創議自北街脩渠引水至泮池勸諸生助貲勒名碑陰至今泉流不竭後登進士

房縣志

卷五

秩官

十九

甘焱南江夏舉人嘉慶二十年教諭嚴以持己寬以教士凡請業者必勉以做人爲本性愛客喜開樽有孔北海風得脩金以供客告歸清風兩袖恬然不以介意

黃懋彤黃陂縣舉人道光十八年訓導制行端方語言不苟軫念士習不振多方董勸課士必擬程作士楷模文風爲之一變脩葺學宮親爲監督不遺餘力

黃理京山拔貢原任知縣告降道光二十二年教諭性情剛方言語慷慨教習士子先品行而後學問到任卽商訓導黃損廉重脩節烈祠惜未久卒於任

行文章士林師法後升鄖陽府教授

吳粵省通城舉人兩任房邑教諭文藝精敏性情豪邁多士請業不計脩脯課優等者捐貲給賞花紅尤憫惜寒士飲食教誨無日無之其紈袴子弟疎慵考課必加斥責

嚴開經江陵歲貢授府學訓導署房教諭喜衡文勤教士口授指畫無倦新生來謁不計脩金多寡

戴脩道雲夢舉人嘉慶二十三年教諭與典史高守訓捐廉創議自北街脩渠引水至學宮泮池中勸同學諸生

房縣志

卷五

秩官

二十

助貲勒名碑陰至今泉流不竭後登進士授詞林

甘焱南江夏舉人嘉慶二十年任教諭嚴以持己寬以教士凡請業者必勉以做人爲本性愛客喜開樽有孔北海風得脩金以供客告歸清風兩袖恬然不以介意士林高之

黃懋彤黃陂縣舉人道光十八年補房訓導制行端方語言不苟軫念士習不振多方董勸課穆清書院每先擬程作士楷模文風爲之一變至脩城葺學宮等公務皆親爲監督不遺餘力

其功候陞擢丁巳戊午間兩次賊竄房境公率勇於獐
洛河廟坪湖溪等處極力堵剿賊無敢入梁汛者泊後
景制軍派樊副將雄楚蔣叅將觀濤帶官兵於梁之年
旺壁烏雲頂設卡公募鄉壯爲助築城挖濠勞蹟爲多
而官兵餽務與團練事宜皆公任之己未秋初賊由竹
谿竄房處處告警公帶義勇往西路馬鬃嶺及老虎埡
防堵賊不得入旋又赴上龕截剿賊却之維時另有川
匪自巴東湘泗嶺入公聞樊蔣二戎由年旺壁帶兵進
剿其勢必趨梁鷄鳴口要隘也公卽回梁帶勇駐其處
七月十八日五更時賊果來勢甚張公力禦之戕賊數
十人賊且退至天明大夥磨至勇遂潰公身中矛十數
創死賊退公屍入水漂至黃連樹閱六日獲之面如生
事聞

詔賜卹配王孺人宛平籍幼嫻母教適公公正需次都門家
窘甚孺人躬操井臼撫子女俾君無內顧憂一時以爲
賢厥後隨任其勤苦如故當賊入時孺人先令家丁將
二子兩女赴晏家坪山寨而自抱幼女與僕婦何氏登
山避顧其山高險難行孺人倚崖岸坐及聞變悲痛不

欲生無何賊至逼之起孺人不應賊婉言挈其臂曰行
行孺人手麾之大罵抱幼女墜崖死何氏亦觸石反跌
墜崖死賊錯愕逡巡去越二日路人聞崖下有呱呱聲
下視之則孺人早絕而幼女在抱尙安然無恙也異哉
制軍倭什布爲之請

旌奉

旨予祭葬建坊入節烈祠公有二子長曰崇儒年十五懷巡
檢司印避山寨得無失次崇錄年十一女三次女以痘
妖公山陰無祖業崇儒以公與王儒人兩柩暫殯於梁
房縣志

卷五 秩官

二十二

行將謀歸窆以安忠烈之魂余撮其節畧爲之傳以備
國史採擇焉

賈玩理陝西監生乾隆五十九年任房典史有識畧勤慎
廉明每巡邏夜出恒達旦歸宵小斂跡嘉慶元年賊攻
房城凡十八日玩理率役晝夜巡城傳餐而食賊於西
關放火守陴者皆驚迴望玩理恐賊自東面超越潛伺
之賊果攀援將上遣役砍賊手數人餘退去時民飢無
糧幾解體賈請魏令賑以倉穀魏以未申上官不敢發
賈力爭之曰民倘有去志城可保乎倉米亦齎寇糧矣

若有罪願以身當之乃開倉給民米人各一升眾心乃定愈齊力堅守會鄉勇集團解城獲全玩理之力居多譚葵生江西監生任典史善於其職盜息民安署板橋巡檢亦愜輿情前任張歿於任遺一姪一女不能歸櫬乃設法貲遣之人高其義

王樹德浙江監生署房典史性峭直無濫交勤於其職善緝盜究窩倍嚴宵小遁跡會寇犯房恐陷城乃派役押重囚出城避居賊退仍還獄無一走亡者縣宰深倚賴之

房縣志

卷五

秩官

二十三

李聯琦字樹階江西南昌監生任房典史勤巡警善捕緝盜賊屏跡衙署燬自出貲構造十數楹軍興孔亟奉縣檄率紳士勸輸人皆樂助不下數萬之多且製備藥餌以施病人愈者咸感頌焉

明武職

楊道選籍無考崇禎十二年任房縣守備會獻賊復叛陷城房令郝景春被執遇害道選戰歿部將張星炫同死之

李成章籍無考崇禎十四年任均房營叅將撫治王鰲永

請復房城發帑金四千委成章會房令劉天民督兵脩築之

國朝

高士清順治六年任房縣參將破姚黃逐劉二虎敗郝永忠等賊與崔士仁官永正薛宗臣諸將屢立戰功房恃以存

張士林房縣人任均房營額外外委嘉慶二年七月賊竄房士林偕行營外委衡觀海劉向堯率兵勇赴驥板坡堵禦途遇賊衆驚潰士林等力戰死之詳請議卹

房縣志

卷五

秩官

二十四

黃金玉施南府恩施縣人嘉慶初年入伍奉調征剿教匪積功升任遊擊於道光九年授房保遊擊整飭營務治兵嚴明恩威並著十二年隨羅軍門征剿湖南獠匪凱撤補湖南左營叅將未赴任卒子六三子長林保康千總五子長森本營外委

達三旂人道光十五年補授左營遊擊奉母履任左右就養得其歡心教兵以忠孝爲本尤嚴飭屬弁勤訓練堅約束軍民和輯二十二年奉調出師崇陽以功升都統西拉布旂人道光二十二年署左營遊擊慮兵食不足開

墾教場隙地令兵種植以濟荒歉並商諸縣令酌買荒地以作牧場會升廣西叅將事遂寢

慶福旂人道光二十九年署左營遊擊釐剔舊弊補造旗幟器械每操演親履督隊步伐止齊軍令肅然營規爲之一振尤勤於警夜盜息民安暇則親禮儒生論詩聯吟佳句味美於回咸豐元年奉調出師積勞成疾終於荆州營邑士民設奠祭之

施鴻恩隨州武舉授左營上龕守備兼護遊擊事精練弓馬整飭營規恩嚴並用軍民胥安閒與文士論詩講畫

房縣志

卷五

秩官

二十五

談讌彌日人稱爲儒將公頌德政匾曰寬而有制

鄖鎮左營千總黃金棠鄖縣人出師粵西與經制韓則琨俱於咸豐二年在武昌省陣亡

千總劉福陞鄖縣人出師江南於咸豐十一年在潁州府陣亡

把總王錦雲鄖西人出師粵西於咸豐二年在永安州陣亡

把總耿文興鄖縣人出師粵西於咸豐三年在廣濟縣田家鎮陣亡

秩官續集

知縣

喬玉琛

陝西朝邑進士

蕭山

湖南拔貢

郭俊

直隸監生

袁鏞

江西監生

陳國棟

四川監生

陳豪

浙江優貢

教諭

汪南金

當陽貢生

張炳琳

武昌舉人
丙子翰林

蕭棣堂

蘄水舉人

衛逢年

南漳人

姚為邦

宜都舉人

訓導

許汝梅

黃崗貢生

房縣志

卷五

秩官續集

二十六

李國楨

江陵貢生

劉世澤

漢陽附貢

典史

周承祉

河南監生

鄖左營遊擊

梁彥河

湖南人

傅雲亮

湖南人

胡鳳鳴

河南人

焦克勝

河南人

守備

夏清和

安郡人

高廷富

秦承恩

江夏人

千總

蕭步勝

竹谿人

聞國麒

竹山人

秩官續集

袁鏞號範卿江西德化監生同治癸酉任房雜稅結費概予蠲免因公赴鄉不擾民一飯一宿有榦才善體民隱緝奸訪盜星披月戴勤慎案牘培植學校絕夤緣之路杜賄托之門年餘四境安堵無恙邑東有去思碑

陳豪號藍洲浙江仁和優貢心性樸純學問淵博光緒丁丑任房政無留牘訟得其情則哀矜而無喜竟有潛然下淚者窮愚無辜牽累按程賞給路費朔望宣講

聖諭孝弟第一條淚隨聲下聞者感泣月課考試悉心批改每

房縣志

卷五

秩官續集

二十三

回必耳提面命籌膏火置田畝邑士蒸然向學歲大旱江湖會柯三江入境煽惑鄉愚擒而斬之餘化爲良秦豫饑民塞道建棲流所捐廉賑粥發倉米平難派富戶穀數千石接濟來春飢施食寒施衣民皆安堵無劫奪之患補城墉禁栽罌粟除害興利殫精畢慮不啻父母之保嬰孩也教民種桑種茶事未竟猶告新任卸篆時手書堂聯留別紳民云訟其凶哉看幾家大則危身小亦傷財忍讓方知無事福我將去矣願此後上有善政下多樂歲勤拳猶是在官心又察獄貴平情寬一步且

創設房縣育嬰局記

房縣知縣 歐陽烜

天地之性人爲貴人卽至愚未有肯戕其所生物之於子也
卵之哺之字之舐之且有然矣人固有不然者大抵一冀生
男一懼爲女所累夫家門康吉致以和氣而隳以戾氣天地
有好生之德人顧骨肉相殘其爲戾氣也大矣冀以生男其
可得乎卽得其能昌厥後乎若鄉曲愚夫婦懼妨工作或冀
乳他人子藉博僱值遂忍爲之而不顧此則情甚可憫而父
母斯民者所宜重念也余於光緒己丑歲來房稔知房之西
南鄉風俗質實其婦女田間操作無異男子尙無斃女之慘

房縣志

卷 藝文

惟近城及東北鄉習俗近繁侈間有其事亟思所以補救徒
以歲功失收徧野嗷鴻謀賑救飢不遑之及心甚忝焉庚寅
冬奉大制軍張公中丞譚公及郡尊許公檄飭興辦以兩年
積歉於中者一旦爲上游所鞭策而年豐民和已異疇昔亟
謀諸寅僚紳士議定章程刻期興舉凡貧戶生女舉者給以
資不舉者加之罪一載以來集款旣饒報領者纍纍如貫珠
而斃女之風以息乃歎愚夫愚婦一經勸懲卽能上體天地
好生之心與大憲愛人之德而不肯戕其所生其所以超夫
物者萬萬也余旣敘其緣起益望後之君子善其成俾勿壞

以無負父母斯民之責焉耳斯舉也司訓劉君洪烈之力居多襄其事者都人士實繁有徒而最盡心力則田子良玉高子思宣羅子詠霓陳子煥藻冀子富瓌蔣子啓芳丁子瑩丁子培植黃子慶元也

歐陽邑侯創設房縣育嬰局記

房縣訓導 劉洪烈

育嬰之法以劉公六文會章程爲最善光緒庚寅秋制府張公中丞譚公下其法於各郡而附以育嬰歌知鄖陽府事仁和許公損益其法下於所屬六邑憲意肫切期於立行邑侯南城歐陽公慮事屬創始無以副上臺意也因地制宜釐定

房縣志

卷 藝文

章程二十六條捐廉四十緡以爲紙劄雜用費又按月給育嬰錢五千文又移請各寅僚督辦其事竝移請學中酌舉方正慈富生員八名以備派襄司事竝諭各局紳公舉分局首士及各散首士予旣舉生員八名又與各同寅量力捐貲諄諄勸諭久之無出應者又久之事寢以寢予詢其故則以地瘠民貧而費難集也予曰不然天下事未有不始於難者也亦視爲之者何如耳事難成實心奉行之則易成費難集苦口勸導之則易集且人之好善誰不如我房雖巖邑謂無溺猶已溺出己貲以救人命者乎諸君子勿患事之難成但患

事成而不能持久勿患費之難集但患費集而經理不善上有良法美意下皆畏憚不行人謂房無人矣予所舉田生良玉羅生詭霓陳生煥藻丁生培楨冀生富琮高生思宣黃生慶元蔣生啟芳等深韙予言願出肩其責以仰體邑侯意各紳等亦均感予言願捐貲以助於是官紳士庶上下一心刻日舉行無疑無阻竝舉丁君鑿以經管銀錢而費遂稍集事遂粗成局遂創始焉卽是以觀惻隱之心人皆有之子輿氏所云豈欺予哉不然何鄙人之言易入而奮興者眾與解囊樂助者多也若諸君子日常擴充是心使之不蔽於私不奪

房縣志

卷 藝文

於利不搖於人言則事之歷久不懈而費之繼長增高也又不難矣出溝壑而登衽席豈惟眾嬰孩之幸卽諸君子將亦同食其報焉予故樂記其事兼爲諸君子勗

先是光緒四年邑人雷朝卿捐屋一棟紳士多有欲立育嬰局者已稟蒙前邑侯彭批准教諭蕭君延齡立引簿勸捐冀成善舉因經費難籌中止此次歐陽邑侯奉檄卽實力舉行始克立局署內月捐者眾而所捐較多者則刑席江夏陳君靜圃也洪烈又識

房縣志卷五

秩官表

朝廷設官分職代各異制其大小相攝上下相維之義則一也房爲楚僻隅疆域寥廓設官視他邑較繁自秦漢以來爲魏興爲房陵爲新城爲光遷爲州爲郡爲縣代遠年湮難以備悉又屢經兵燹公牘無存僅就舊志抄及傳聞者紀之志秩官表

漢魏興太守

蒯棋 有傳

房縣志

卷五

秩官

一

魏魏興太守

申耽

晉魏興太守

傅元之

吉挹 有傳

薛健

王遜 有傳詳選舉

王澄

桓冲 有傳

宋魏興太守

傅宏之 有傳

臧質

梁齊魏興太守

顏僧都

裴師仁

崔僧季

李遷哲

柳慶遠

有傳

西魏

柳檜

有傳

周遷州刺史

李禮成

有傳

隋遷州刺史

獨孤陁

有傳

竇賢

有傳

竇宣

房州刺史

房縣志

卷五

秩官

一一

蘇威

進房公

唐房州刺史

韋景駿

有傳

郟士美

有傳

崔述

有傳

李忠

有傳

房遺愛

有傳

薛瓘

有傳

李逢吉

張知謩

有傳

董鉉質

有傳

崔敬嗣

有傳

後唐房州刺史

慕容彥超

宋廷誥

房州都虞侯

劉嗣 有傳

後晉房州刺史

李彥珣

周知裕 有傳

宋房州刺史

辛文悅 有傳

闕彥進

曹彬

房州觀察使

种師中 有傳

房縣志  卷五 秩官

三

房州防禦使

田欽祚 有傳

苗履

房州安撫使

范之才

王彥 有傳

房州知州

孫升 有傳

李鑑

陳希亮 有傳

曾光 有傳

李璆 有傳

韋知幾

晉隲 有傳

郭浩

房州通判

袁廓

許安世

房州司戶叅軍

趙行逢

王仁瞻

房州文學叅軍

張景

張誼

蘇緘

明房州知州

吉岳 有傳

房縣志

卷五 秩官

四

知縣

郭玉 恩縣進士永樂十年任

張瑀 上元舉人正統二年任

馮景 虞寶人天順二年任

文達 馬湖生成化二年任

馬驥 武功七年舉人成化七年任

向榮 通江監生成化十年任

陳簡 柳城二年舉人成化十年任

李經 新都六年舉人宏治六年任

柳溥 四川十年監生宏治十年任

蘇福 四川九年監生正德四年任

侯臣 順天二年監生正德二年任

戴旻 吉水四年監生正德四年任

徐聰 崇仁六年舉人正德六年任

胡璧 富順九年舉人正德九年任

王雄 德州三年舉人嘉靖三年任

李璋 長壽四年進士嘉靖四年任

張德信 靖陽 九年舉人 嘉

吳璽 當塗 十年監生 嘉

李介 亳州 十二年監生 嘉

潘恒一 景甯 監生

雷守正 廣西 十一年舉人 嘉靖

梁瑞 安慶 十二年監生 嘉靖

張朝錫 南京 十五年舉人 嘉靖

范相 清苑 八年舉人 嘉靖

胡公輅 萬縣 十年監生 嘉靖

何通衢 巴縣 三年舉人 嘉靖

王立 建平 三年舉人 嘉靖

夏維甯 餘姚 六年舉人 嘉靖

趙傑 亳州 八年監生 嘉靖

陳天瑞 咸甯 九年貢 嘉靖

李朝陽 信陽 一年舉人 嘉靖

謝相 金谿 年貢 隆

王養賢 南京 年貢 隆

楊應甫 桐柏 年貢 隆

房縣志 卷五 秩官

五

何思 光州 二年舉人 萬

朱衣 南錦 四年衛舉人

張希良 萬曆 二年二十

李元白 晉江 六年士 萬曆

胡裘 太和 九年人 萬曆

劉用利 吉安 舉人 明府

金世奇 四川 舉人

李敦本 銅梁 舉人

楊廷光 靈壽 年進士 天啓

傅永淳 宜賓 年舉人 天啓

廖應佐 全州 年舉人 崇禎

黃從貴 元城 年舉人 崇禎

孫業釗 餘姚 年人 崇禎

郝景春 江都 年舉人 崇禎

劉天民 雲南 年舉人 崇禎

胡棟 天啓 年補遺 宜

縣丞

韓宗堯 山十六年監生 宏治

董志道 雲南人 正德

李南金 白河人 監生 正德

張魁 正德十年

黃叔明 江西吏員 嘉靖

相儒 鳳陽人 監生 嘉靖

饒仁 貴州監生 嘉靖

潘潤 涿州人 例貢 嘉靖

聶玕 潛山監生 嘉靖

王邦卿 甯州人 監生 嘉靖

嚴興 烏程監生 嘉靖

孔守時 南直吏員 嘉靖

顏尙文 梓潼監生 隆慶

方栗 襄城人 歲貢 隆慶

李遷 貴州人 歲貢 隆慶

韓楊 山陽人 萬曆

李四維 楚雄人 歲貢 萬曆

李邦勳

房縣志

卷五 秩官

六

主簿

項天愷 璧山吏員 成化

施雄 浮梁吏員 宏治

蘇賓 南陽監生 宏治

李智 河南人 監生 正德

楊明 新澤吏員 正德

李儒 淑德人 監生 正德

李迪 陝西監生 嘉靖

伍界 陝西吏員 嘉靖

胡恭 進賢吏員 嘉靖

楊景 新野人 監生 嘉靖

扈廷鼎 儀封吏員 嘉靖

吳守興 眉州吏員 嘉靖

張鎧 壽州吏員 嘉靖

韓志惇 山陰吏員 嘉靖

熊琛 內江吏員 嘉靖

嚴堯黻 朝邑監生 嘉靖

黃進中 舉人

鄭建元 涇十縣六年員任嘉靖

瞿玉昆 馬湖監生任嘉靖

高 悌 桐鄉五年員任嘉靖

白天民 梓潼吏員天啓

李宗仁 定州監生萬曆

裴邦齊 長原監生萬曆

朱邦聞 崇禎景春十二年與

教諭

楊國伸 崇禎十四年補遺年

馮士奇 巴縣任人天順

金 濂 嵩三縣任人成化

夏 璉 臨淮任人成化

楊世清 馬湖三年任成化

李 鑑 景仁任人宏治

陶 釜 平縣五年任人宏治

謝 誠 邵武任人正德

岳 宗 丹陵任人正德

房縣志

卷五 秩官

七

雷 亮 大定任人嘉靖

劉天寵 貴州八年任舉人嘉靖

鄭 珙 浙江四年任嘉靖

蕭 經 巴州七年任嘉靖

張廷用 西安任人嘉靖

李一夔 南昌六年任嘉靖

高 魁 曲江一年任嘉靖

林 義 亳州四年任嘉靖

劉 佐 墊江六年任嘉靖

何良材 福清四年任嘉靖

吳 集 宜興任人隆慶

馬呈圖 內江任人隆慶

楊 瀘 金谿任人萬曆

陳國脩 安莊任人萬曆

蘇九容 眉山舉人天啓

訓導

王存性
二安南人
天順

沈澤
八涇縣人
成化

韓綸
瀘州人

張綱
十涪州人
成化

袁旻
十繁昌人
成化

涂俊
十大昌人
宏治

施德
七四川人
嘉靖

陳賓
九廣西人
嘉靖

李富春
十豐城人
嘉靖

羅本正
十西充人
嘉靖

陸士秀
十廣西人
嘉靖

廖瑞
十井陘人
嘉靖

楊練
二南充人
嘉靖

羅玉華
二射洪人
嘉靖

李宗仁
三儀隴人
嘉靖

温尙儒
三眉州人
嘉靖

史策
四同原人
嘉靖

孟吉
四固原人
隆慶

房縣志

卷五 秩官

八

鄧冲宇
二石門人
萬曆

李國柱
辰州人

康黃生
衡州府人

李宗裘
年興國與郝景春同禎死十節

巡檢

張登科
二鄧州人
隆慶

劉鸞
五平陽人
隆慶

鄭心
元登封人
萬曆

李伯通
二南詔人
萬曆

謝天揚
三臨川人
萬曆

典史

鄧真
二鄒平人
選舉正德

錢金
二江浦人
天順

蘇鉉
八茂名人
成化

嚴綱
十寶封人
成化

沈嵩
元巴縣人
宏治

萬韶
五南昌人
宏治

惠民
九慎山人
宏治

秦湧
十壽州人
宏治

曹時
十德州人
宏治

王智
豫州人

陳珊
人定遠

張俊
人四川

魏文科
北直承差

張珠
人眉州

黃正中
三十州人
嘉靖

楊許
二豐城人
嘉靖

張乾
嘉府志作
陳乾繁昌人

史澣
四山陰人
嘉靖

陳敷澤
元晉江人
隆慶

何維清
五武功人
隆慶

劉志道

都日俞

房縣志

卷五 秩官

九

程道茲

蘇彬

楊國仲

曹絃
四四川人
嘉靖十

倉官

金克之
四富順人
隆慶

李誠
人達州

鄧仁
二渠縣人
萬曆

曹文琚
四桂陽人
萬曆

龔翔
人當陽

國朝知縣
縣丞主簿裁

林燦欽
年閩人有
順治元

王鼎
二宛平人
舉人順治

相啓運
四日照進士
順治

李成鑛
六大同進士
有順治

徐啓泰 武康進士

傅六吉 三臨川人舉人康熙

田蒸髦 十直隸進士康熙

雷化龍 七遼東人康熙

沈用將 二仁和貢生康熙

董雱 三浙江人康熙

王璋 任康熙年

倪宏祚 年天台進士雍正

李居臨 雍正進士

朱明淵 十南昌拔貢

張宏映 浙江人

鍾夢瀛 乾隆汀進士

張宏扶 六年眉舉人乾隆

彭輝祖 八年軍監生乾隆

李豫 有廣東進士

張鐸 十宛平生員乾隆

劉德傑 巴陵舉人

唐文運 二宛平進士乾隆

房縣志

卷五 秩官

十

張珩 山屏人

黃元俊 有閩縣進士

陳嵩齡 崇仁舉人

謝夢草 東莞舉人

陳師錫 三十甯七監生乾隆

張敵 有歷城舉人

程家鳳 四十和十年監生乾隆

王廷憲 四睢州進士乾隆

羅緯 四十江二拔貢乾隆

李龍濤 四乾隆四十年

江鴻 盱眙人

羅經 右南豐進士

雷永清 四十平遙監生乾隆

張璿 八乾隆四十年

沈清直 江蘇舉人

常熙 十盧氏舉人乾隆

陳開基 三十塘三進士乾隆

莊士登 五江蘇舉人乾隆

仇必達 十四年舉人 有乾隆五

魏相臣 元廿年肅任人 有嘉慶

秦錫疇 三年任舉人 有嘉慶

鍾應焜 四年任舉人 有嘉慶

金克俊 有傳 舉人

李維本 五年任 有甯拔 貢嘉慶

孫捷三 六年任 有傳 嘉慶

洪範 嘉慶年任 有傳 人

趙方泰 山西舉人

許恂 十三年任 嘉慶

關維紀 嘉慶年任 有傳 人

何在朝 八九年任 有傳 人

王達 二十年任 有傳 人

方策 二十一年任 嘉慶

蔣啓蘭 二十四年任 嘉慶

程緒曾 江西人

范檜 浙江舉人

董應魁 二年任 有傳 人

房縣志 卷五 秩官

繼善 正五年任 有傳 人

王剛 十四年任 有傳 人

白榮西 六年任 有傳 人

姚瀚 七年任 有傳 人

李士高 貴州舉人 有傳 人

劉建勳 二年任 有傳 人

錢喬雲 十年任 有傳 人

李彥芳 雲南人

朱金 十年任 有傳 人

劉其淵 九年任 有傳 人

戴掄元 十年任 有傳 人

施仲鱗 二年任 有傳 人

王錫疇 十年任 有傳 人

陳立焯 署河同知

顧羹梅

馬晉圖 道光二年任 有傳 人

黎承恩 府經署

朱世杰 浙江錢塘人 咸豐元年

金玉堂 三年臺任舉人咸豐

鄭慶華 七年西任舉人咸豐

書紳 八年人任咸豐

梁懋齡 九年南任舉人咸豐

王璐 十年隸任舉人咸豐

方兆科 安徽桐城舉人

賀懋樞 湖南舉人

吳瑛 十湖一南任生有咸豐

慶明 元廂年黃任旅人同治

李楨 二湖一南任生有同治

廖玉麟 三年西任監生同治

楊延烈 同山治四年邱進任士

教諭

劉之紓 順武治二歲年貢任

王龍翔 二麻十城二年康熙

楊的 二江十夏八年康熙

陳崑 三竟十陵八年康熙

房縣志

卷五 秩官

十二

王俊昌 四漢十川年副任榜康熙

吳繼忠 五枝十江八年康熙

吳璵 十京十二年拔任貢雍正

樊之鐸 雍鍾正祥十三年任

戴喻讓 十漢九陽年舉任人乾隆

吳昭煜 二漢十陽年舉任人乾隆

張大雅 乾監隆利三拔十貢六年任

李良策 乾宜隆都三拔十貢八年任

朱之禮 三江十夏九拔年貢任乾隆

周鼎新 四黃十岡三年貢任乾隆

吳中理 三乾年隆任三十

周道全 黃安舉人

謝思焯 四漢十陽四舉年人任乾隆

張忠坦 五黃十州五年榜任乾隆

劉夢元 五黃十梅九副年榜任乾隆

高安和

何其昌 嘉慶二年任

李永濟 應城副貢

楊德封 江夏廩貢

秦篤慶 漢川貢

吳粵省 通城舉人

嚴開經 江陵貢生

戴脩道 雲夢舉人 後點中書

甘焱南 江夏舉人

喻元涪 黃梅副榜

羅振泰 東湖附貢

李之琛 漢陽舉人

張黼華 嘉魚舉人

黃理 京山拔貢

沈岳齡 孝感舉人

司先榜 黃岡舉人 道光

童紹恢 羅田歲貢 同治

劉紱麟 通山恩貢 同治

訓導

房縣志

卷五 秩官

鄧復昌 九年 貢 康熙

胡虞孫 八年 桃源人 康熙

黃鼎鉉 十八年 桃源貢 康熙

嚴若師 二十年 宜城貢 康熙

歐陽攻 二十三年 潛江貢 康熙

張華鼎 三十五年 盧溪貢 康熙

胡懋教 十年 康熙 三任

毛一包 三十六年 通城貢 康熙

陳至道 五年 黃安貢 康熙

汪漢

王克振 八年 松滋貢 雍正

余鴻漸 十三年 咸甯貢 雍正

章華梅 十年 咸甯貢 乾隆

李道華 十七年 應城貢 乾隆

胡琳 二十一年 歸州貢 乾隆

崔河圖 二十八歲 建始貢 乾隆

周彝 二十五年 隨州貢 乾隆

張映旭 四十年 襄陽貢 乾隆

周道全 四應十城四貢年乾隆

吳 澧 黃安貢

張立誠 四天十門四舉人乾隆

吳兆澧 五黃十年貢乾隆

鍾榮國 五興國二年乾隆

李運齊 五蘄水歲貢嘉慶

魏廷友 應山廩貢

劉昌檜 黃岡舉人

黃懋彤 黃陂舉人

汪 鵬 蘄水舉人

廖長亨 八漢陽舉人咸豐

周炳先 恩施歲貢

陳汝賢 元黃梅歲貢同治

大木廠巡檢 先駐博磨坪後移

房縣志

卷五 秩官

十四

陳 觀 八紹興人康熙

蘇 軾 莒州人

劉茂棠 二桐城七人康熙

趙維邁 三通州二年康熙

陳鴻基 六常熟任人雍正

陳 鉞 八福甯任人雍正

翁必邃 二雍正任十

胡兆昌 三雍正任十

曹 堂 八通州任人乾隆

戴國琛 十山陰人乾隆

張齡鑑 三桐城一人乾隆

丁日隆 四吳江三年乾隆

經 緯 漢軍正黃旗人

王樹德 浙江人

周應宗 四川人

張賡言 浙江人

周安鎬

張 煜

程浩

傅楫 四川人

何楸熙 桐城人

胡運亨 同治五年代任

鍾文垣 嘉興人

九道梁巡檢乾隆四十九年增設駐此

張炯 四大興九年乾隆任

黃詔 山陰六年乾隆有傳

沈連珠 牝直人嘉慶五年任

余遠思 湖南平江人

穆毓中 陝西

包福佳 浙江江人

房縣志

卷五 秩官

十五

侯定邦 河南人

典史

沙成龍 順治年任

劉宇亮 朝三邑人順治十年任

朱啓堯 山陰人

高標 紹興人康熙十年任

朱晉 紹興人康熙十年任

崔重新 三原吏員康熙九年任

馮廷彪 宛平人康熙三年任

童欽 固安吏員康熙五年任

馬正元 寶坻吏員

彭鑑 夾江吏員康熙十年任

舒其誠 鄆縣人乾隆館議

陳通 趙州人乾隆二十年任

杜遵甫 壽陽吏員乾隆二十年任

饒宗湛 瀏陽監生乾隆三十五年任

吳梅武進監生

劉琳琅濟源吏員

王魁會昌監生

駱鶴年山陰人

朱兆元上元監生

劉永清江西新城

曹箕商邱監生

趙命新南豐監生

杜徵蘭五十八監生乾隆

賈玩理陝西人乾隆有傳

蔣大錫江蘇人嘉慶二

孟興祖

汪鎔江蘇人

許世錦

高守訓紹興人嘉慶

張紹宗江西人道光

陸蔚榮浙江人道光

朱

房縣志 卷五 秩官

十六

沈森浙江人道光

程浩

譚葵生北直人道光

方鍾琦安徽人

任昕河南人

李孫蕃浙江人

范達浙江人

蔣星焯

包福佳浙江監生

王樹德浙江人

李聯琦江西人

夏正南湖南人

胡運亨四川吏員同治

武職

宋房鎮守

田慶祚

明守備

張星明

張星炫

楊道選

崇禎十二年
賊陷城死節
年獻

均房營叅將

李成章

崇禎末年
脩房城督兵

千戶所

房縣志

卷五

秩官

十七

李信

鄧宣

計麟

張高

袁金

國朝鎮房營叅將

羅一能

順治五年
募兵戍房

高士清

順治六年
有傳

鎮房營守備

崔士仁

薛宗臣

官永正

俱順治
間任

均房協副將

佟透 遼東人 康熙

胡世英 江西南人 康熙

文義祥 汝甯人 康熙

四十六 康熙十年

高立

均房協守備

王嘉印 順天人

張種文 山東武舉 康熙

姚之舜 康熙十年

四十六 康熙十五年

文義祥 康熙十五年

蘇宏思 遼東人 康熙

張國斌 康熙十五年

均房鎮總兵

房縣志

卷五 秩官

十八

四十六 康熙十七年

均房鎮守備

馬一新 房縣人 康熙

任一勝 房縣人 康熙

李之瑞 延壽人 康熙

鄖鎮左營遊擊駐房縣嘉慶六年增設

德清 廬山人

沈彪 四川人

達爾占 廬藍人

譚騰蛟 四川人

黃金玉 有傳

陳增祉 廩生

黃琨

麻國慶 桂林人

達三 有傳 張興福 江夏人

蘇濟達 處州人

西拉布 有傳

慶福 有傳

曠輔廷 全州人

翟萬林 湖北江夏人

施鴻恩 湖北隨州人

劉國楨 直隸人

文英 正紅旗人 任大華 江夏人

田德明 湖北江夏人

富亮 同治二年廂藍旗人

李玉楚 湖北宜城人 同

均房營守備 駐均者

張明 同安人 康熙

馬永麟 安蕭人 康熙

馬天爵 三城人 康熙

程繼善 河南人 康熙

房縣志 卷五 秩官

十九

劉約 樂昌人 康熙

孫學禮 大興人 康熙

鄒應宏 甯化人 康熙

劉斌 大興人 康熙

馬之岱 歷城人 康熙

紀久恭 陝西人 雍正

林甲鳳 廣東人 雍正

武勝 山東人 雍正

李庚臨 四川武進人 康熙

戴天錫 浙江人 任伍

談經 四川武進人 康熙

吳正清 直隸人 任侍衛 乾隆

任奇 陝西人 任伍 乾隆

仝元章 直隸人 任伍 乾隆

楊世玉

孫天魁 河南武舉 任伍 乾隆

李品仙 貴州武舉 任伍 乾隆

李文宣 浙江人 任伍 乾隆

張越 四四川人 三年任衛 乾隆

孫效前 五陝西人 五年進士 乾隆

張耀德 澧州人

武慶 廬軍校

李占嶺 進山人

和臣 旗人

魏鴻興 江夏人

柴文玉 穀城人

蔡連秀 襄陽人

王佐 穀城人

金壽 滿州人 二廂三紅四旗 武舉

王進儒 穀城人 五年侯到任都司

千總

黃文韜 穀城人 七年任伍

戴國柄 均州人 四年任伍

陳大勳 穀城人 十年任伍

謝承英 南漳人 十年任伍 乾隆

房縣志

卷五 秩官

二十

袁冠英 湖南武舉 乾隆

張欽元 鄖縣人 十年任伍 乾隆

劉民德 江陵武舉 乾隆

陳綸 十年任四

白壽連 均州人 十年任伍 乾隆

羅陞 江夏人 五年升守

黃國富 竹山武生 嘉慶

王基 穀城人 嘉慶

曾自榮 房縣武生

管復初 鄖陽人

馬紹國 鄖州人 黃長齡 澧州

黃朝英 鄖陽人 梁全斌 孝感武舉

鄧德仁 襄陽人

馬鳳釋

劉福升 鄖陽人

江峯青 鄖陽人

孟暄 鄖縣人

高日新 鄖陽人 五年到任 職同治

分防上龕汛守備

李鳳林

房城汛外委

左哨曾傳典

房縣人

右哨張全升

鄖縣人

房城汛額外

左哨額外馬成全

竹山人

陳志雲

鄖陽人

分防千總

冷盤埡塘任文魁

房縣人

九道梁塘兆泰

荊州府人

房縣志

卷五

秩官

二十一

九道梁塘雷鳴揚

穀城人

茅坪塘羅占元

鄖縣人

分防把總

青峯塘任學賢

鄖縣人

獐落河聞德政

鄖縣人

方家畷塘卿述才

房縣人

黃龍汛陳得明

穀城人

上龕汛范得勝

分防外委

余家河塘傅學德

房縣人

蔴灣塘盧富新

鄖縣人

大木廠塘王開仲

鄖縣人

梁家河塘趙興廣

竹山人

白鶴觀塘但尙德

保康縣人

東浪塘尹繼業

鄖縣人

茅坪塘李文起 鄖縣人

房縣志

卷五

秩官

二十二